


WUMBOKO – “The Two Roads”

I NJIA IBVA



LIFOSO LA NJIA

I woteli te ikende o lela ekili ya iseli loko, Yuwaka njoko njia iweli laka-nea. I kendeke na miso masu iligbwo Yembi te na iboh oma imawulua o lisolo ya joke.

Wunja te oa na mba yaondaka ene se o longe la bwindea. Ikende isaweli lisuku. Wijo ekili welaka?

EKALATI YASU ELONGOKEA

Loe. O malingo na bwamu weje, alunye ekalati elongokea. E Bible Elolumakele e tete. njia o Loa. Lini lifoseleli linyeve wano lifafe liwokai ndi o kalati ya Loa. “E folo ya: eo ndi etulu enongokea. Mwaye o mweneni mwamu.” (Mesoko 119:105).

E NJIA TAMBAMBO

Bvato sai sai vayo ene njia. Ekalakala ye ne njia mwea monene etelami ndenga injia yelake ote. Ya Liwovise. Ndenga sai sai bvelaka ote. (Mateo 7:13). Longo miso mawu mingi. Vasijo. Toh vasa kenji lijua na vayo o njia evafakake. Ya omeneke oma eloli yowngwakele ndi okpeli. (Mekana 14:12). Melema miawu mesoleve wititi na loa la wowoe (satane) la ene se. (2 Korin 4:4).

MIUNA

Bvato vha ene njia vha weli metaka mia wowoe. Mota seh ama wola wowoe, wenga alamanele na wenja wa Loa. (Rom 3:23). Isa weli lisole to wowoe woko na Loa. Moto aeneke ndi mokita, ndi Loe aeneke molema. (1 Sam 16:7). Miuna miawu metutai ndi o mbusa yawu oa na mba isifole o lafoto toh wowoe woko na wasu bgwemba, na mosimbi mwa muna moyo nise ifundaya se ndenga wowoe woweli mosa weli – kpeli. (Rom 6:23).

LIMWETI LA LOA

Limweti wanote elinge lilumakele vekaiseli via Loa. Moto te aweli liwa ngelifoko, ombusa fonda. Loe amokaise. (Vahebi 9:27). Si nene likaneli la sango monene ndenga ongo wa ajake ote. Si nene vha wili vanene na vasali, Vatemi owoso wa lingi likaneli. I kalati Imalibwava si efefe kalati ya Libwava. E kalati ya vanga vaweli longe. Vhanga vha ma wa vha makaiseve lifomene jani vama wola. O ingi kalati. To njene wa asitila: e lina leje o kalati ya vanga vaweli longe vama ngwava ote mwea monene. (Velueli 20:11,12,15).

MWEA

Na Loe asangi joke, wowoe woweli kokise. E folo ya Loa eloakea na oyo mwea, ekili ya kokise o longe lase, ya vanga vasa vekalanaka Loe. E kalati ya Loa yoaka na vakotimbea o mwea monene, evanja. Loa lawu liyo nji viala viawu via nyolo esoloko viala via ene se. (Ph 3:19). Ndi Loe ayo ndi Loa la ndeli asa soloka ama moto afaka e. Ndi asoloko va sengwe vewoleli via wowoe. (2 Pet 3:9). O bwamu weje wonene na malingo meje. A woli njia ya likasua ovanga vesoloke osoloke enge njia ya longe?

E NJIA YA LONGE O MOSUNGELI

Na isa fole lasowa ise iti meni meowoe. Miasu, to o kokise ya joke. Loe alunye omosungeli. Na Loe alingi ese sai sai si ainye efoka yeje ya konja, na wa mo lu:e te asi weh a kusa longe la bwindea. (John 3:16). Loe, Songasu monene, ama loma efoka yeje ya konja. Sango Yesu Kristo. O Loa na wano se, amae na moto. Ndi asiwole wowoe. Amakendeke vekili viase Liwola gbwamu. Longe vanga vamokaka, mesio, lituna vanga va mokaka e nyambe ya okoni. Lisisa velinge via wowoe. Lilakise vanga vama kpea lokili o njomi ya meowoe miawu na lokwele bvato litengene Loe. Ndi litinga leje linene amatimbane o moto lima e ndi o liwea o melofo mia ise vase,

O linye longe leje la wosangi. O lisewa meowoe miasu na macha meje. Lisawa lieme lasu la meowoe na macha meje.

Amainye mwiti o bvato vha wowoe vha mowoka vha moliba nate e mbusa yinda vebena via fola, na macha vamowotise lkpoto ya njenje. O molofo. O lisuku si vha mobomea maka na mende O mbassa. Si akeleme na mosio na metakisene Kristo mwiti ama bema meowoe miasu O nyolo yeje no mbassa. (1 Pet. 2:24). A ma wa O njomi ya oa na mba.

VEFUMUWELI VEJE

O mbusa minya melalo O songo. Yesu Kristo ama fumwa o kpeli, a makende aovisene wokweli veje, ndenga O mbusa mini mini mia minya amabwa lifangi O Loa aja o lika la mome la Loa. (Rom. 8:34). Mosingeli wa aweli longe na :Ingingya yase O Loa na wano se". (Mateo 28:18). Ndenga nyongo nani aembami, ifonda yase, longe vhanga vha vafa:ake oma Loa lakanea ombusa yeje, evanja ayo longe nogbwindea lateke Loe o njomi yawu. (Vaheb, 7:25).

O LOA

O Loa ndi Loe ayo na velu:e veje viase, sango Yesu Kristo amoa ama, "nelaka lisekea. Vejaeli vianyu. Nelite lisekea. Vejaeli vianyu ngo timba life lilowoka na mba mbiti, O live ekili mba neo (John 14:2,3). Eo ndi ekili ya. Vetamiseleli "Ya akosingwa misoli mase O miso manyu Okae e kpeli fe, toh ndutu to ejo toh mosio. Via la via koa vemakana. Okae fe bulu, evanja sango Loe ndi ayo, mwaye (Velueli 21:4, 22:5). Eo ndi ekili ya wosangi. Yoma ya mbindo ekakpea enge. Mboa nene, toh moto wa viala via isoni to wa nyake viala linya. Vanga mene mina mawu matilai O klati ya longe Ya nguma molongu wo vha kokpea enge mboa nene. (Velueli 21:27). Oyo ndi njia foko O Loa. Mba ndi neo enge njia, e joke, na longe, toh moko a selaka oma Tate wa asakaneleli na mba. (John 14:6). Wonja woluaka ndi lakanea na mo mwiti. O se yase osenje ofefe wa Loe ainye e nginya ya lilonge. (Vewolo 4:12).

NO IWOTAKEA E NJIA YA YELAKE O LOA

1. Jele meowoe mia e o loke mwendi mwa bwamu. (Mak 1:15).
2. Fawa oma Sango Yesu Kristo o makane na oyo na miuna miae mia meowoe. Ndenga omuwe o lohlakise. Ama, ngawute e mbusa na toh njene a fao na mba. (John 6:37). Lofawe na mba inye vase vha lewo o libema miuna me liti. Ndenga ngo lunye lasuele. (Mateo 11:28).
3. Loke Kristo mwiti o lasowa o meowoe. Macha ma Yesu, E koja yeje ma lo seswaka meowoe miase. (1 John 1:7).
4. Akuwnye longe lenya. Kristo ama! Toh nje wa aveki efolo yamu sa loke wa andomi a kusa longe la gbwindea. A sa kaiseke, ndi ama kanea ekpeli likpea o longe. (John 5:24). To njene a lati na Kristo. Aweli ndi ewekeli yanya. Ya koa emakana e fanya emafawa. (2 Kor 5:17).

5. Oweleke molema mosengo. Nyongo nani imawele moma na Loa na lifita. Isengo melema na Loa lakanea ombusa Sango Yesu Kristo. (Rom 5:1). E nge mbongi eo na Loe alunye longe la bwindea. Ndenga lini longe lomweli ne konja yeje. Toh njene asa weli e konja Loa asa weli longe na lotilakea Ima wijue na o weli longe la bwindea oa wah oloke e konja Loa. (1 John 5:11-13).

NO IWELEKEA LONGE LENYA

1. Langa ekalati ya Loa wunya te To na eo mwaye o njia yasu Eo fe ndi moleli mwasu mwa elinge lveke na vakengele vha jai venya vaeke ifonda yase o manyongo ma elinge anyangaka teteh sa koka. (1 Pet 2:2). Uwa Loe aongokea na lokwele na elinge yeje ya esangi na o langaka.

2. Kombene Loe o makane wunya te kane o lina la Yesu osatakiseke na efefe yala ndi o makene mae mase uwa Loe. Jani ya osoloko fonda seh. Uwaka Loe fafa na masoma o molema mwae ndenga lisengwe la molema mwa Loa laka lisongitane la moto liwolaka molema na malutea mae maeke o molatako na Yesu Kristo. (Ph. 4:6,7).

3. O veva vane litengene Kristo Timba o litumba lae owowea jani sango Yesu amowolea na bwamu ayo n'oa. (Mak 5:19).

4. O fonda make kisene fe vele sango Yesu aweli longwana vanga vakeki-seve evanja mo mwiti ama kekiseve ndenga ama taka. (Vaheb. 2:18).

5. Owoli wowe fe te atatua na Loa kasikasi ndi yatato te meowoe miasu na Loa akolile litani leje ndenga awola jani ya moma. Ako lokakise mawuse masu ndenga alo sangise wowe wasu. (1 John 1:19).

6. Vhe wekosa na vanga va lue:e sango Yesu Kristo e mbenda yamu eo ndi na linga moko no ne na mba na lolingi. (John 15:12).

7. Vekanaka Loe Ifonda yase, njene te andingi akovekana yoi yamu. (John 14:23).

8. Osoke mboi evanja Yesu Kristo ayo n'oa. Ngowjele ngowwukwe. (Vaheb. 13:5).

9. Ainye wase na sango Yesu Kristo aolumele longe lae lifomene vetemeli veje. O ene ngana okoloa monyengi mwa joke.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)